

## Morning Dogri (NSD) National News Bulletin 09-11-2024

### आकाशवाणी

- प्रधानमंत्री नरेन्द्र मोदी होरें आखेआ ऐ जे रतन टाटा होरें सदा होरने दे सुखनें गी साकार कीता ते ओह म्हेशां उनें लोकें दे दिलें च जींदे रौंहगन जिंदे जीवन गी उनें बेहतर बनाया।
- केन्द्री मंत्री नितिन गडकरी होरें आखेआ ऐ जे शिड़कें दा निर्माण करदे बेल्ले सुरक्षा गी सब्बने शा मती प्राथमिकता दित्ती जानी लोड़चदी ऐ तां जे हादसें गी घट्ट कीता जाई सकै।
- दिल्ली-एनसीआर च हवा दी गुणवत्ता बड़ी मती खराब श्रेणी च बनी दी ऐ।
- महाराष्ट्र ते झारखंड च विधानसभा चुनाएं लेई प्रचार जोरें-शोरें कन्नै जारी ऐ।
- भारत नै चऊं टी-20 क्रिकेट मैचें दी श्रृंखला दे कल डरबन च खेड्डे गोदे पैहले मैच च दक्खन अफ्रीका गी 61 रंजें कन्नै हराई दित्ता।



### PM Ratan Tata

प्रधानमंत्री नरेन्द्र मोदी होरें आखेआ ऐ जे सुरगवासी रतन टाटा हुंदे जीवन थमां एह प्रेरणा थोंदी ऐ जे सच्चे नेतृत्व दा आकलन कुसै दी उपलब्धिं कन्नै नेई सगुआं सब्बने शा कमजोर माहनुएं दा ख्याल रखने दी ओहदी समर्थ कन्नै हुंदा ऐ। इक राश्ट्री दैनिक च छपे दे अपने लेख च श्री मोदी होरें आखेआ जे रतन टाटा होरें गी पूरा होए दे इक म्हीना होई गेआ ऐ पर उंदी गैर मजूदगी ना छड़ी भारत च सगुआं दुनिया भरै च समाज दे हर वर्ग गी मसूस होआ करदी ऐ। श्री मोदी होरें आखेआ जे रतन टाटा होर ओकडे लोकें दिएं यादें च सदा जींदे रौंहगन जिंदे लेई उनें कम्म कीता ते सुखने बने। उनें आखेआ जे मन्ने परमन्ने दे उद्योगपति, उभरदे होई उद्यमी ते मेहनती कारोबारी उंदे जाने दा सोग मनाह करदे न। उनें आखेआ जे रतन टाटा होर युवाएं लेई प्रेरणा हे ते ओह इस गल्लै दे प्रजीक ही जे सुखनें गी सच कीता जाई सकदा ऐ ते दया ते मनुक्खता दे कन्नै कामसयाबी हासल कीती जाई सकदी ऐ।

प्रधानमंत्री होरें इस गल्ले पर लोह पाई ते रतन टाटा होर राष्ट्र दे स्टार्टअप तंत्र दा नेतृत्व करने लेई मशरहूर होई गे हे। उनें आखेआ जे ओह युवा उद्यमिणं दिणं आसैं—तांगे गी समझदे हे ते देसै दे भविक्ख गी आकार देने च उंदी समर्थ गी पंछानदे बी ऐ हे।

<><><><><><>

## Nitin Gadkari

केन्द्री शिड़क, ट्रांसपोर्ट ते राष्ट्री राजमार्ग मंत्री नितिन गडकरी होरें आखेआ ऐ जे शिड़क हादसैं ते उंदे करी होने आली मौते गी रोकने लेई देसै च शिड़क निर्माण दे दरान सुरक्षा गी सब्बने शा मती प्राथमिकता दिज्जी जानी लोड़चदी ऐ। श्री गडकरी होर कल संजा छत्तीसगढ़ दे रायपुर च भारती शिड़क कांग्रेस दे 83में सलाना सम्मेलन दे उद्घाटन सत्र गी संबोधत करै करदे हे। श्री गडकरी होरें आखेआ जे शिड़क ते आटोमोबाइल इंजीनियरिंग दे खेत्तर च कर्मिणं गी दूर करने दे जतन कीते जा करदे न पर विस्तृत परियोजना रिपोर्ट दी खामी नै बड्डी समस्यां पैदा कीतियां न। अधिकारिणं ते इंजीनियरें बक्खी सारत करदे होई उनें आखेआ जे विस्तृत परियोजना रिपोर्ट दा सावधानी कन्नै परीक्षण कीजे बगैर ठेके जारी नेई कीते जाने चाहिदे।

<><><><><><>

## Bihar Railway

छठ पूजा उत्सवें मगरा बिहार थमां यात्रिणं दी भीड़ गी ध्यानै च रखदे होई पूर्व—मध्य रेल आस्सेआ अगले 15 दिनें च 446 विशेष रेलगडिडयें गी शुरू करने दा मकसद देश दे बक्ख—बक्ख शैहरें गी परतोने आले यात्रिणं गी सुविधा देना ऐ। मुख्य जन सूचना अधिकारी सरस्वती चन्द्र होरें आकाशवाणी समाचार गी दस्सेआ जे 70 शा मतियां बाद्धू रेलगडिडयां चला'रदियां न। उनें दस्सेआ जे यात्रिणं दी मती भीड़ दे प्रबंणन आस्तै पटना, दानापुर, राजेन्द्र नगर, समस्तिपुर ते होरने महत्वपूर्ण स्टेशनं पर इंतजाम कीते गेदे न जिंदे अंतगर्त प्लेटफार्मे पर भीड़ ते भगदड़ जनेई स्थिति दी रोकथाम दे उपाह् शामिल न।

<><><><><><>

## Delhi Pollution

दिल्ली—एनसीआर च हवा दा प्रदूषण बड़े खराब स्तर तगर पुज्जी गोआ ऐ। केन्द्रीय प्रदूषण नियंत्रण बोर्ड मूजब एक्यूआई देश दी राजधानी च बडलै 36 दर्ज कीता गोआ। मौसम विभाग नै दिल्ली ते एनसीआर च अगले 2—3 दिन रातीं ते बडलै प्रदूषण युक्त धुंध रौहने दी मेद ऐ। सीपीसीबी दे आंकड़े मूजब शैहर दे किश हिस्सें एक्यूआई बड़े खराब स्तर तगर पुज्जी गोदा ऐ ते 400 गी पार करी गोदा ऐ।



## Maharashtra-Jharkand

महाराष्ट्र ते झारखंड च विधानसभा चुनां आस्तै प्रचार च तेजी आई गई ऐ। बक्ख—बक्ख राजनीतिक पार्टिएं दे बड्डे नेता केई रैलिंग गी संबोधत करा'रदे न। प्रधानमंत्री नरेन्द्र मोदी होर अज्ज महाराष्ट्र दे अकोला ते नादेड च जनसभाएं गी संबोधत करगंन। महाराष्ट्र च 288 सीटें आली विधानसभा लेई इस म्हीने दी 20 तरीक गी मतदान होग। झारखंड च 81 मिंबरें आली विधानसभा लेई दो गेडें च इस म्हीने दी 13 ते 20 तरीक गी वोट पाए जांगन। केन्द्रीय गृहमंत्री ते बीजेपी दे वरिष्ठ नेता अमित शाह होर अज्ज झारखंड दे जमशेदपुर, हजारीबाग ते पारेका विधानसभा हल्के च जनसभाएं गी संबोधत करगंन। जमशेदपुर च इक रोड शो बी करगंन। तोआई कांग्रेस नेता राहुल गांधी होर धन्नबाद जिले ते पूर्वी सिंहभूम जिले च चुनां सभाएं गी संबोधत करगंन। झारखंड मुक्ति मोर्चा, आरजेडी, एजेएसयू ते वामपंथी पार्टिएं दे नेता बी राज्य दे बक्ख—बक्ख हिस्सें च रैलिंग गी संबोधत करगंन। दौनें राज्यें च वोटें दी गिनतरी इस म्हीने दी 23 तरीक गी होग।



## Trump

अमरीका दे न्याह विभाग नै आखेआ ऐ जे नमें चुने गोदे राष्ट्रपति डोनाल्ड ट्रंप हुंदी हत्तेया ईरान दी साजश्श गी संधीय जांच ब्यूरो एफबीआई नै नाकाम करी दित्ता ऐ। न्याह विभाग नै ईरान दे 1 ते अमरीका दे 2 नागरिकें खलाफ डोनाल्ड ट्रंप हुंदी हत्तेया दी साजश्श चद शामिल होने दे आरोप लाए न। अपराधिक शकैतें च न्याह विभाग नै आखेआ ऐ जे ईरान दे रैवुल्यूशनरी गार्ड कोर नै भाड़े दे अपराधी दे जरियै हत्तेया दी साजश्श रची। विभाग नै दस्सेआ जे ईरान दे फरहाद शकेरी गी ट्रंप हुंदी हत्तेया दा कम्म सौंपेआ गोआ हा। शकेरी तेहरान च रौंदा ऐ ते रैवुल्यूशनरी गार्ड दा अधिकारी ऐ।

शकेरी बचपन च प्रवासी दे तौर पर अमरीका गेआ हा ते लु.....समुंद्र दे मामले च 14एं ब'रे दी कैद दे बाद ब'रे 2008 च उसी वापस भंजी दित्ता गेआ हा। अमरीकी सरकारै आखेआ ऐ जे शकेरी गी गिरफ्तार नेई कीता गेआ ऐ ते एह मन्नेआ जा करदा ऐ जे ओह ईरान च ऐ।

<><><><><><>

## Cricket

क्रिकेट च भारत नै दक्खनी अफ्रीका गी पैहले टी-20 अंतर्राष्ट्रीय मैच च 61 रंजें कन्नै हराई दित्ता। भारत नै पैहले बल्लेबाजी करदे होई 20 ओवरें च 8 विकटें दे नुकसान पर 202 रंज बनाए, जेहदे परते च दक्खन अफ्रीका दी टीम 17 ओवरें 5 गेंदें च 141 रंज पर ऑल आउट होइ गई। भारत आस्सेआ संजू सैमसन नै 50 गेंदें पर शानदार 107 रंज बनाए ते प्लेयर ऑफ द मैच घोशत कीता गेआ। चार ट-20 मैचें दी श्रृंखला दा दुआ मैच ऐतवार खेड्डेआ जाग।

<><><><><><>

## CDS

प्रमुख रक्षा अध्यक्ष जनरल अनिल चौहान होरें कल नमीं दिल्ली च भारती सैन्य विरासत महोत्सव दे दुए सलाना संस्करण दा उद्घाटन कीता। दऊं दिनें दे इस महोत्सव दा मकसद भारत दी राष्ट्री सुरक्षा, पिदेश नीति ते सैन्य विरासत पर ध्यान केन्द्रित करने लेई वैश्विक ते भारती विचारकें, निगमें, सरकार ते निजी खेत्तर, निगमें, सरकार ते निजी खेत्तर, गैर सरकारी संगठनें ते शैक्षणिक संस्थानें गीमंच मुहैया करोआना ऐ। इस मौके पर जनरल चौहान होरें शौर्य गाथा परियोजना दा शुभारंभ कीता। इस परियोजना दा मकसद शिक्षा ते पर्यटन दे माध्यम कन्नै भारत दी सैन्य विरासत दा संरक्षण करना ते उसी बढ़ावा देना ऐ।

<><><><><><>